

ادبیات عمومی و سیاسی

هفته‌لق سیاسی ، ادبی و علمی غزته‌در

جلد : ۱

سنه : ۱ ۶ صفر ۱۳۳۵ جمعه ایرتسی ۱۹ تشرین‌ثانی ۱۳۳۲ نومرو ۵

سیاسیات

مبهم بر دولت

۱

له استقلال ، اون دوقوزنجی عصرک یوزلرجه قیامت‌ملیه‌سنه رغماً ، آوروپالی اولدقلری‌حاله
حالا آوروپا حقوق عمومیه‌سندن استفاده ایده‌مین اورتا و کوچوک ملت‌لردن مرکب زنجیر اسرانی
برنجی حلقه‌سنی قیردی : بوزنجیرک قسم اعظمی چارک حدود مظالم‌نده ایدی ؛ اونلر ، ظاهراً
برر ملت ، و حقیقت‌ده ایسه تاریخک کیزل‌دیکی برر حکومتدی ! قوانین غریبه‌سی ادراک بشردن
برآز و بلکه ایجه یوکسک اولان مقدراتک بعضاً اوילה تجلیاتی واردرکه حس ایدیلیر ، فقط
آکلاشیلماز : بوراده موضوع اولاجق حکومت‌ده تاریخک اوילה بر تجلیسیدر ؛ حکمت وجودی
اولمایان و یا موقت اولان غیرطبیعی بعض دولتره مقابل ، اسارتی ادراک صیغمایان بر طاقم ملت‌لر
وار : بوکون مبهم اولان یارینکی حکومتلر اشته اونلردر ؛ برقاچ دانه‌سی چارک پک غلط سیاست
اولان ملکنده اولدیغندن ، روسیه‌نک استقبالی شیمدی‌یه قدر برچوق مؤرخلر ایچون مه‌لکدی :
چونکه اونلر ، برره برره ، پومپه‌یانک کوللر آلتندن ظهوری‌کبی ، کونک برنده اسارت‌آلتندن
قالقاجقلردی . لهستان استقلال بو نظریه‌نک تأییدینه دوغرو برنجی آدیم اولدی ، ایکنجی‌سنک
فینلان‌دیا اولمایاجغنی هانکی موسقوف تأمین ایده‌بیلیر ؟...

پارس معاهده‌سنده ، آوروپا حکومتلری ، آوروپا حقوق بین‌الدولندن استفاده‌مزی تصدیق
ایله بزه اونوتولماز بریالان سویل‌لشردی : چونکه ، اولانیم آسیالیلر دکل ، دوغروندن دوغرویه
آوروپالی اولان ملت‌لر بیله استفاده ایتمه‌مشلر و ایده‌میورلردی ؛ وینه چونکه ، لزوم‌سز دولتلردن
زیاده اسارت‌ده ملت‌لر واردی و حالا وار !
بوراده ، او زمره‌یه منسوب اولان فینلان‌دیانک برآز وظائف تاریخیه‌سندن ، برآزده حال

تاریخ حرب

۱۶ تشرین ثانی ۱۳۳۲

کچن هفته کی نسخه مزده محرر عسکریمزك راحتسزانی، برنجی نومرومزدن بری قید ایتکده اولدیغمز تاریخ حربی درجدن بزى منع ایتدی . حالبوکه صوک اون بش کون ظرفنده ، بالخاصه شرق صحنه حربنده بوتون بر ملتک مقدراتی تعیین وبالن نتیجه حربک مجرا و امتدادینی خیلی تبدیل ایله یه جک درجده ده مهم وقایع ظهور ایتدی . بو وقایع ده رومانیا صحنه حربنده ظهوره کلدی : متفقلریمز شمالدن افلاق اوواسنه ایندیله ، جنوبدن ده طونه بی کج دیله .

رومانیا صحنه حربنده جریان ایددن و بزم طرف ایچون شیمدین پک مسعود نتیجه لر تأمین ایله بن حرکاتی خلاصه ایتزدن اول دیگر جبهه لره پک قیصه و اجمالی بر نظر عطف ایدم .

اولا فرانسه صحنه حربی : بو جبهه ده بش آیدردوام ایتکده اولان صوم محاربه سی اولکی هفته ظرفنده ده شدتدن برشی غائب ایتکمزین پک مدھش طوپیچی آتشلی و خونریز پیاده هجوملری ایله هر قاریش طوپراق ، هر یقیق دیوار ایچون یوزلرجه وحتی بیکلرجه کشینک قاتی آقتاراق ، اعصابی تیدر تیر بر وحشتله اوزایوردی . فقط انکایرله فرانسیزلر جبهه لرینی نه بر ، حتی نه یاریم کیلو مترو ایلری کوتورمه دیله . بالعکس بعضی برلرده جسور آلمانلر مقابل تعرضله بعض کویلری کری آلدیلر . صوم محاربه سنک آلمانلری (بیپراغه) محاربه سیله تهدید ایددن انکایر - فرانسلری ایچه بیپرا تیغنه دائر ایی خبرلر وار . صوک بر تلغرافده (صوم جبهه حربنک قانی چامورلرندن ، دشمن عسکرینک صوغوقدن طوکمش ، پاصلامش توفنکارله هجوملرندن ، بر کره یره دوشن بر خفیف مجروحک بیله بر ده ا یرندن قالقامادیغندن) بحث ایدیلیوردی . بناء علیه ظن ایدهرزکه صوم تعرض معظمی ذاتاً عقیم قالش ایکن ، قیدشک حلولی بو خونریز صاواشه بوسبوتون فیصل ویره جکدر .

ایتالیا جبهه حربنده یکی برشی بولونمادیغنه حیرت ایتمه ملی یز . تیروول طاغلرنده قار فیرتینالری هر یولی ، هر کدیکی طیفامشدر . (قارست) یابلاشنده ایسه ایتالیا نلرک کندیلرینی تریسته یه قدر کوتورده جکنی ظن ایتدکلری صوک بوبوک هجوملری بر معتاد بر ایکی قاریش موقعیتله اریدی بیتدی . روس صحنه حربنک جالب دقت بر خصوصیتی وار . رومنلر حربه کیردی کیره لی کرک (بوقو وینا) جنوبنده وقار پانلرده کرک (وواهیذا) ده سکونت حاصل اولدی . معظم روسیه نک بوتون بر قیش و بهار ظرفنده طولادینی (بروسیلوف) ک تاب تواندن دوشدیکی کورولیلور . ظن اولونمازکه بوقیش ظرفنده روسلر کندیلرنده یکی بر تعرض قابلیت کورسونلر . روس حربیه ناظرینک « روسلرک شیمدی یه قدر اوغرا دقلری اک مدھش هزیمت وفلاکت » اوله رق توصیف ایتدیکی (آرقانرهل) لیمانده وقوعه کان و بولیمانی بالعموم وسائط تحمیلیه و تخلیه سیله بوسبوتون تخریب ایددن بوبوک اشتعال اولماسه یدی بیله بوز طاغلری روس مهمات و نقلیاتی سکتهدار ایده جکدی .

ماکدونیا صحنه حربنده ، صوک صرب فرقه لرینک یوزده یتش نسبتنده محوی مکافاتی اوله رق سارای اوردوسی مناسیره کیره بیلیدی . فلورینه دن یوقاری شرقده چرنا (قره صو) نه ری و غربده پره سبا کولی آراسنده و شمالاً پراپه یه قدر امتداد ایددن اوواده متفقلریمزک دشمنی آغیر ضایعاته اوغراته رق شرقده و شمالده کی منیع طاغ سلسله لرینه چکیلملرنده نه سوق الجیشی نه تعبوی بر ضرر یوقدر . ذاتاً بر آاز واقف حال اولانلر مناسلرک ایرکچ ترک ایدیله جکئی کورویورلردی . و شیمدی متفقلریمز ، چرنا نه ری قوسنک شمالنده کی تپه لری طوتمشیلر ، مناسلر

اوواسته و شهرینه حاکم بولونیورلر . جنرال سارایک بوتون غیرقلربی غرب جبهه سینه توجیه ایتمه سی «عسکرلکجه» آکلاشیلماز برخطادر . بوده مناستری (قرال پترویه) صوک پایتخت اوله رق تقدیم املندن متولد سیاسی بر دوشونجه اثری اولسه کړک . حالوکه متفقلریمز ایسته دکلری زمان، بدبخت صیرب اوردوسی دوکوتیلری وسارایک چشید چشید قوای معاونه سی مناسترده طوتونامایه جقلردر . رومن جبهه حربنه کلنجه : صوک اون بش کونک، کړک صلحی تقریب وکړک باشقه جبهه لریمزده موجود تفوقزی تقویه اعتباریله ، اک مهم وقایعی افلاقدہ جریان ایتدی . ترانسیلوانیاده شرقده (پرده آل بوجا) کچیدلرندن باشلایه رق تورچبورغ ، قرمنی قله ، چوردوق ، وولقان کچیدلری بویجه جریان ایدهن چتین و خونین مصارعه افلاق اوواستی شجیع متفقلریمز آجدی . طوتراقان، سلیسترده ، کوستنجه وچرناووداده، هرمانشتاد وقرونشتاد اوکنده، قرمنی قله احاطه حرکتنده، ریاحووه مرورنده موجودینک لافل یوزده قرقنی وایلك صف قیمتی عسکرینک لافل یوزده آلتمشنی ضایع ایدهن رومن اوردوسی مغلوب وپریشان بوتون غربی افلاق ترک ایتدی .

۱۹ تشرین ثانی تاریخلی آلمان و آوستریا تبلیغ رسمیلری (طاغلردن خروج ایله افلاق اوواسته اینیلدیکنی) و (قره یووا-اورشووه) شمندوفر خطنک کسایدیکنی، خبرویردی . بردن بره حدوددن ۹۰ کیلو مترو ایچری به براوق کی گیرمش اولان فالکنهاین قوتلری بوسرعت حرکتی محافظه ایتدیلر وکندیلری ایکی کونده قره یوواپی ضبط ایتمش، دهها ایکی کون صوکره جنوبدن (زیشتوی) دن آنسزین قوای کلیه ایله طونه پی مرور ایدهن ماکنزن قوتلریله (الکساندریا) جوارلرنده برلشمش ، دشمن مملکتنده درت کونده ۱۰۰ کیلو مترو قطع ایده جک قدر سرعت حرکت کوسترمش کوردک . غربی رومانیاده (اورشووا) و (تورنو شوهرین) ضبط و بوراده کی رومن قوتلرینک شمالدن وجنوبدن کلن حرکتلرله خط رجعتلری تماماً قطع ایدلدی . شیمدی بو قوتلر - که برنجی رومن اوردوسنک صول جناحی تشکیل ایدیوردی - محصور ومنتظر اسارت درلر .

دشمن نه (آلت) خط مدافعه سده نه ده دهها شرقده (وده آ) صوینده طوتونامادی . و شیمدی شمالدن جنوبدن متفقلریمز (قورته آده آرکاش، ریمی نیقو، یرکوک، قلاغات، زیمینچا) پی آلتلر، بکرش خط مدافعه سینه یا قلاشملردر . رومنلرک ۵۰۰ میلیون فرانق صرفیه وجوده کتیردکلری بکرش قلعه سنک سیل استیلامری توقیفه یارایامه به جغنی کوره جکلردر . طونه پی مرور ایدن قوتلر آراسنده قهرمان وهر جبهه به یتیشن تورک عسکرلرینک ده بولندیفی فخر ایله او قونیور . افلاق اوواستی بوتون عارضه سز لطافتی و ثروتی ایله اوکزه آچیلدی و اتفاقاً مرعبه اورولق ایسته نیلن رومن ضربه سی اوئی بالعکس تقویه ایتدی .

عثمانلی حرب صحنه لرنده :

قافقاس جبهه سنده قیشک خلولنه رغماً هر بری وطنک شکرانه کسب استحقاق ایتمش اولان عسکرلریمز موشک شمالنده مواضع می ۹۰ کیلو مترواق بر امتدادده تقریباً ۱۰۰ کیلو مترو بر عمقده ایلرو سورملردر . ایران جبهه سنده ده همدانک شرق و شمالنده روسلره مهمجه ضربه لرایندیرلادی سوبش و عراق جبهه لرنده اوراق تفک مصادمه لردن باشقه برشی اولمادی .

هر حالده صوک هفته نك وقایع حربیه سی ، کړک دوغریدن دوغری به بزم جبهه لریمزده، کړک اتفاق مربعک بوتون جبهه لرنده هپ کار حسابنه قیوداتله طولودر . دهها مابعدنی بکله به لم .